

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/21, 18.03.2021թ.

Բողոք բերող անձ՝ «Դավարտ» ՍՊԸ

Պատվիրատու՝ Երևանի քաղաքապետարան

Գնման ընթացակարգի ծածկագիրը՝ «ԵՔ-ԲՄԱՇՁԲ-21/28» բաց մրցույթ

Գնման առարկան հետիոտնային կանչի թվով 63 լուսացուցային համակարգերի ձեռքբերում

Բողոքի պահանջը՝

1. պարտավորեցնել թիվ «ԵՔ-ԲՄԱՇՁԲ-21/28» գնման ընթացակարգի գնահատող հանձնաժողովին ընդունելու 11.03.2021թ.-ի թիվ 3 արձանագրությամբ՝ թիվ «ԵՔ-ԲՄԱՇՁԲ-21/28» գնման ընթացակարգի 1-ին չափաբաժնի մասով «ԷՆԵՐԳԱՅԱՆՑՇԻՆ» ԲԲԸ-ի և «ԱՍԿԵՏ-16» ՍՊԸ-ի հայտերը բավարար գնահատելու վերաբերյալ արձանագրային որոշման փոփոխման և «ԷՆԵՐԳԱՅԱՆՑՇԻՆ» ԲԲԸ-ի և «ԱՍԿԵՏ-16» ՍՊԸ-ի հայտերը մերժելու որոշումներ,

2. պարտավորեցնել թիվ «ԵՔ-ԲՄԱՇՁԲ-21/28» գնման ընթացակարգի գնահատող հանձնաժողովին ընդունելու թիվ «ԵՔ-ԲՄԱՇՁԲ-21/28» գնման ընթացակարգի 1-ին չափաբաժնի մասով 16.03.2021թ.-ի թիվ 4 արձանագրության վերացման կամ չեղարկման և թիվ «ԵՔ-ԲՄԱՇՁԲ-21/28» գնման ընթացակարգի 1-ին չափաբաժնի մասով բանակցություններ հրավիրելու որոշումներ:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:



ՀՀ գնումների հետ կապված բողոքներ քննող անձին

բողոք բերող՝ «ԴԱՎԱՐՏ» ՍՊԸ
պետական գրանցման համարը՝ 42.110.913103
ՀՎՀՀ՝ 03542969

հասցե՝ ՀՀ Կոտայքի մարզ գ. Գեղարգել Ս. Ալեքսանյան փող. փուն 6
փնօրեն՝ Արթուր Ռուբիկի Գրիգորյան
ն/ք՝ 008124018, փրված 24.08.2016թ. 019-ի կողմից

հասցե՝ ՀՀ Կոտայքի մարզ գ. Գեղարգել Ս. Ալեքսանյան փող. փուն 6
Ներկայացուցիչ փաստաբան՝ Հակոբ Քոյլոյանից
փաստաբանական գործունեության արտոնագիր՝ թիվ 2707
ն/ք՝ 012715868, փրված 30.04.2020թ., 013-ի կողմից
հասցե՝ ՀՀ ք. Երևան Դավթաշեն 4-րդ թաղ. 112. 7բն.
հեռ՝ 099997665

էլ. փոստ՝ koyloyan27@gmail.com

պատվիրատու՝ Երևանի քաղաքապետարան
հասցե՝ ՀՀ ք. Երևան Արգիշտի 1

գնման ընթացակարգի ծածկագիրը և առարկան՝
Երևանի քաղաքապետարանի կարիքների համար
Երևան քաղաքում հետիոտնային կանչի թվով 63
լուսացույցային համակարգերի ձեռքբերման և տեղակայման
աշխատանքների կատարման նպատակով հայտարարված
թիվ «ԵԲ-ԲՄԱՇՁԲ-21/28» բաց մրցույթ

ԲՈՂՈՔ

թիվ «ԵԲ-ԲՄԱՇՁԲ-21/28» գնման ընթացակարգի վերաբերյալ

1. Գործի լուծման համար էական նշանակություն ունեցող փաստական հանգամանքները.

- 1.1. Երևանի քաղաքապետարանը (այսուհետ նաև Պատվիրատու) իր կարիքների համար 21.01.2021 թվականին հրապարակել է Երևան քաղաքում հետիոտնային կանչի թվով 63 լուսացույցային համակարգերի ձեռքբերման և տեղակայման աշխատանքների կատարման նպատակով հայտարարված թիվ «ԵԲ-ԲՄԱՇՁԲ-21/28» բաց մրցույթի հրավերը (այսուհետ նաև գնման ընթացակարգ):
- 1.2. Գնման ընթացակարգի 1-ին և 2-րդ չափաբաժինների շրջանակում հայտ է ներկայացրել նաև «ԴԱՎԱՐՏ» ՍՊ ընկերությունը (այսուհետ՝ Մասնակից): Մասնակցի կողմից գնման ընթացակարգի շրջանակում ներկայացված հայտը գնահատվել է բավարար, որը փաստվում է գնման ընթացակարգի հանձնաժողովի 11.03.2021 թվականի թիվ 3 արձանագրությամբ:

- 1.3. «ԷՆԵՐԳԱՑԱՆՑՇԻՆ» ԲԲ ընկերությունը հայտ է ներկայացրել նաև գնման ընթացակարգի 1-ին չափաբաժնի մասով, որը գնման ընթացակարգի հանձնաժողովի 11.03.2021 թվականի թիվ 3 արձանագրությամբ գնահատվել է բավարար, իսկ 16.03.2021 թվականի թիվ 4 արձանագրությամբ «ԷՆԵՐԳԱՑԱՆՑՇԻՆ» ԲԲ ընկերությունը ընտրված մասնակից է ճանաչվել նաև 1-ին չափաբաժնի մասով:
- 1.4. Գնման ընթացակարգի 1-ին չափաբաժնի մասով «ԷՆԵՐԳԱՑԱՆՑՇԻՆ» ԲԲ ընկերության հայտը ներկայացվել է հրավերի պահանջների խախտմամբ: Մասնավորապես «ԷՆԵՐԳԱՑԱՆՑՇԻՆ» ԲԲ ընկերության գնային առաջարկը 1-ին չափաբաժնի մասով չի համապատասխանում հրավերի պահանջներին, քանզի ներկայացված 22 058 108 ինքնարժեքի նկատմամբ հաշվարկված ԱԱՀ-ն կազմում է 4 411 621.6 ՀՀ դրամ, այլ ոչ թե 4 411 621 ՀՀ դրամ:
- 1.5. Գնման ընթացակարգի 1-ին չափաբաժնի մասով «ԱՍԿԵՏ-16» ՍՊ ընկերության հայտը ներկայացվել է հրավերի պահանջների խախտմամբ: Մասնավորապես «ԱՍԿԵՏ-16» ՍՊ ընկերության գնային առաջարկը 1-ին չափաբաժնի մասով նույնպես չի համապատասխանում հրավերի պահանջներին, քանզի գնային առաջարկով ներկայացված արժեք, ԱԱՀ, ընդհանուր գին բաղադրիչների հաշվարկը կատարված է սխալ: Մասնավորապես՝ ներկայացված 35 925 400 ՀՀ դրամ արժեքի ԱԱՀ-ն կազմում է 7 185 080 ՀՀ դրամ և այս բաղադրիչների սխալ հաշվարկը հանգեցրել է ընդհանուր գնի սխալ հաշվարկին, քանզի ԱԱՀ-ն նշվել է 7 185 100 ՀՀ դրամ:

2. Գործի փաստական և իրավական հիմնավորումները.

ՀՀ կառավարության 04.05.2017 թվականի թիվ 526-Ն որոշման հավելված 1-ով հաստատված գնումների գործընթացի կազմակերպման կարգի (այսուհետ՝ Կարգ) 32-րդ կետի 2-րդ մասի դ ենթակետի համաձայն՝ հրավերով նախատեսվում է նաև, որ՝ մասնակիցը գնային առաջարկը ներկայացնում է արժեք (ինքնարժեքի և կանխատեսվող շահույթի հանրագումարը) և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Արժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: Եթե մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը: Մասնակիցների գնային առաջարկների գնահատումն ու համեմատումն իրականացվում են առանց սույն ենթակետում նշված հարկի գումարի հաշվարկման: Ընդ որում, մասնակցի հայտը ենթակա չէ մերժման, եթե՝ գնային առաջարկի արժեք, ավելացված արժեքի հարկ և ընդհանուր գումար սյունակներում տառերով կամ թվերով նշված գումարների լումաները կլորացված են մինչև հինգ տասնորդականը՝ դեպի ներքև ամբողջ թիվը, իսկ հինգ տասնորդական և դրանից ավելին՝ դեպի վերև ամբողջ թիվը:

Կարգի 40-րդ կետի 4 -րդ ենթակետի համաձայն՝ հայտերի բացման և գնահատման նիստում հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին

անհամապատասխան, բացառությամբ սույն կարգի 41-րդ կետով նախատեսված դեպքի:

Թիվ «ԵՔ-ԲՄԱՇՁԲ-21/28» բաց մրցույթի հրավերի 5.2. կետի համաձայն՝ մասնակիցը գնային առաջարկը ներկայացնում է արժեք (ինքնարժեքի և կանխատեսվող շահույթի հանրագումարը) և ավելացված արժեքի հարկ ընդհանրական բաղադրիչներից բաղկացած հաշվարկի ձևով: Արժեքի բաղադրիչների հաշվարկ՝ բացվածք կամ այլ մանրամասներ չեն պահանջվում և ներկայացվում: Եթե մասնակիցը տվյալ գործարքի գծով Հայաստանի Հանրապետության պետական բյուջե պետք է վճարի ավելացված արժեքի հարկ, ապա ներկայացվող գնային առաջարկում առանձնացված տողով նախատեսվում է այդ հարկատեսակի գծով վճարվելիք գումարի չափը:

Իսկ նույն կետի դ ենթակետի համաձայն՝ գնային առաջարկի արժեք, ավելացված արժեքի հարկ և ընդհանուր գումար սյունակներում տառերով կամ թվերով նշված գումարների լումարները կլորացված են մինչև հինգ տասնորդականը՝ դեպի ներքև ամբողջ թիվը, իսկ հինգ տասնորդական և դրանից ավելին՝ դեպի վերև ամբողջ թիվը:

Վերոհիշյալ իրավական նորմերի վերլուծությունից պետք է փաստել հետևյալը, որ մասնակիցների կողմից ներկայացվող հայտերը պետք է համապատասխանեն հրավերի պահանջներին, որի բաղկացուցիչ մաս է նաև գնային առաջարկը: Այն դեպքերում երբ մասնակիցների կողմից ներկայացվող գնային առաջարկները չեն համապատասխանում հրավերի պահանջներին, ապա այն առաջ է բերում նրանց հայտերի մերժման իրավական հիմքերը, որը հայտերը գնահատող հանձնաժողովի համար պարտականություն է: Գնային առաջարկում ներառվող տվյալների համար օրենսդիրը սահմանել է որոշակի կարգավորումներ, որոնք վերաբերվում են ոչ ամբողջական թվերի պարագայում դրանք կլորացված եղանակով ներկայացնելուն: Մասնավորապես օրենսդիրը սահմանել է, որ եթե գնային առաջարկում նշվող ոչ ամբողջական թվերը կլորացվում են, ապա դրանք պետք է կլորացվեն հետևյալ կերպ՝ գնային առաջարկի ավելացված արժեքի հարկ և ընդհանուր գումար սյունակներում տառերով կամ թվերով նշված գումարների լումաները կլորացվում են մինչև հինգ տասնորդականը՝ դեպի ներքև ամբողջ թիվը, իսկ հինգ տասնորդական և դրանից ավելին՝ դեպի վերև ամբողջ թիվը: Ընդ որում Պատվիրատուի կողմից նման պայման է նախատեսվել նաև թիվ «ԵՔ-ԲՄԱՇՁԲ-21/28» գնման ընթացակարգի հրավերով՝ 5.2. կետի դ ենթակետ, ուստի դրա չափահավումը կհանգեցնի հրավերի պահանջներին չհամապատասխանող հայտի ներկայացմանը և հայտը ենթակա կլինի մերժման: Բացի այդ ըստ հրավերի պահանջի մասնակիցների կողմից ներկայացվող գնային առաջարկները պետք է ներկայացնեն ներկայացվեն արժեք և ավելացված արժեքի հարկ ընդհանրական բաղադրիչներից բաղկացած հաշվարկի ձևով, իսկ այդ հաշվարկի սխալ ներկայացնելը ինքնին կհանգեցնի հրավերի պահանջներին անհամապատասխան ներկայացված հայտի, որը ենթակա չէ շտկման:

Նշվածը համադրելով սույն գործի փաստերի հետ պետք է արձանագրել հետևյալը, որ «ԷՆԵՐԳԱՑԱՆՑՇԻՆ» ԲԲ ընկերության կողմից թիվ «ԵՔ-ԲՄԱՇՁԲ-21/28» գնման ընթացակարգի 1-ին չափաբաժնի մասով ներկայացված գնային առաջարկը

ներկայացվել է հրավերի պահանջներին անհապատասխան, մասնավորապես ինքնարժեքի 22 058 108 ՀՀ դրամի նկատմամբ հաշվարկման ենթակա ԱԱՀ-ն կազմում է 4 411 621.6 ՀՀ դրամ, իսկ «ԷՆԵՐԳԱՑԱՆՑՇԻՆ» ԲԲ ընկերության կողմից ներկայացված գնային առաջարկում նշված է 4 411 621 ՀՀ դրամ: Այսինքն «ԷՆԵՐԳԱՑԱՆՑՇԻՆ» ԲԲ ընկերության կողմից գնման ընթացակարգի 1-ին չափաբաժնի մասով ներկայացված գնային առաջարկում նշված ԱԱՀ կլորացվել է դեպի ներքը ամբողջական թիվ, այն պարագայում երբ պետք է կլորացվեր դեպի վերև ամբողջական թիվ քանզի կլորացվող թիվը կազմում էր վեց տասներորդական: Ուստի նշվածով պայմանավորված պետք է փաստել, որ «ԷՆԵՐԳԱՑԱՆՑՇԻՆ» ԲԲ ընկերության կողմից թիվ «ԵՔ-ԲՄԱՇՁԲ-21/28» գնման ընթացակարգի 1-ին չափաբաժնի մասով ներկայացված գնային առաջարկը չի համապատասխանում հրավերի պահանջներին և «ԷՆԵՐԳԱՑԱՆՑՇԻՆ» ԲԲ ընկերության հայտը թիվ «ԵՔ-ԲՄԱՇՁԲ-21/28» գնման ընթացակարգի 1-ին չափաբաժնի մասով ենթակա էր մերժման: Նշվածի արդյունքում թիվ «ԵՔ-ԲՄԱՇՁԲ-21/28» գնման ընթացակարգի 1-ին չափաբաժնի մասով հրավիրված բանակացությունները, ոչ իրավաչափ են և օրենքի խախտմամբ ընտրված մասնակից է ճանաչվել «ԷՆԵՐԳԱՑԱՆՑՇԻՆ» ԲԲ ընկերությունը, այնինչ նրա հայտը պետք է մերժվեր:

Ինչ վերաբերվում է Գնման ընթացակարգի 1-ին չափաբաժնի մասով «ԱՍԿԵՏ-16» ՍՊ ընկերության կողմից 1-ին չափաբաժնի մասով ներկայացված գնային առաջարկին, ապա այն նույնպես չի համապատասխանում հրավերի պահանջներին, քանզի գնային առաջարկով ներկայացված արժեք, ԱԱՀ, ընդհանուր գին բաղադրիչների հաշվարկը կատարված է սխալ: Մասնավորապես՝ ներկայացված 35 925 400 ՀՀ դրամ արժեքի ԱԱՀ-ն կազմում է 7 185 080 ՀՀ դրամ և այս բաղադրիչների սխալ հաշվարկը հանգեցրել է ընդհանուր գնի սխալ հաշվարկին, քանզի ԱԱՀ-ն նշվել է 7 185 100 ՀՀ դրամ: Սույն դեպքում նույնպես թիվ «ԵՔ-ԲՄԱՇՁԲ-21/28» գնման ընթացակարգի 1-ին չափաբաժնի մասով հրավիրված բանակացությունները, ոչ իրավաչափ են և օրենքի խախտմամբ բավարար գնահատված հայտեր ունեցող մասնակիցները մասնակցել են բանակացություններին:

Հաշվի առնելով այն հանգամանքը, որ թիվ «ԵՔ-ԲՄԱՇՁԲ-21/28» գնման ընթացակարգի գնահատող հանձնաժողովի ոչ իրավաչափ գործողության արդյունքում 11.03.2021 թվականի թիվ 3 արձանագրությամբ բավարար են գնահատվել «ԷՆԵՐԳԱՑԱՆՑՇԻՆ» ԲԲ ընկերության և «ԱՍԿԵՏ-16» ՍՊ ընկերության հայտերը և երկու ընկերություններն էլ հրավիրվել են բանակցություններին, ուստի պետք է փաստել, որ այդ բանակցությունները «ԷՆԵՐԳԱՑԱՆՑՇԻՆ» ԲԲ ընկերության և «ԱՍԿԵՏ-16» ՍՊ ընկերության մասնակցության հիմքով կազմակերպվել են օրենքի խախտմամբ:

3. Բողոքի պահանջը.

Ուստի հաշվի առնելով վերոգրյալը և ղեկավարվելով Գնումների մասին ՀՀ օրենքի 46-րդ և 50-րդ հոդվածների դրույթներով՝

խնդրում եմ

- 3.1. պարտավորեցնել թիվ «ԵՔ-ԲՄԱՇՁԲ-21/28» գնման ընթացակարգի գնահատող հանձնաժողովին ընդունելու 11.03.2021 թվականի թիվ 3 արձանագրությամբ՝ թիվ «ԵՔ-ԲՄԱՇՁԲ-21/28» գնման ընթացակարգի 1-ին չափաբաժնի մասով «ԷՆԵՐԳԱՑԱՆՑՇԻՆ» ԲԲ ընկերության և «ԱՍԿԵՏ-16» ՍՊ ընկերության հայտերը բավարար գնահատելու վերաբերյալ արձանագրային որոշման փոփոխման և «ԷՆԵՐԳԱՑԱՆՑՇԻՆ» ԲԲ ընկերության և «ԱՍԿԵՏ-16» ՍՊ ընկերության հայտերը մերժելու որոշումներ,
- 3.2. պարտավորեցնել թիվ «ԵՔ-ԲՄԱՇՁԲ-21/28» գնման ընթացակարգի գնահատող հանձնաժողովին ընդունելու թիվ «ԵՔ-ԲՄԱՇՁԲ-21/28» գնման ընթացակարգի 1-ին չափաբաժնի մասով 16.03.2021 թվականի թիվ 4 արձանագրության վերացման կամ չեղարկման և թիվ «ԵՔ-ԲՄԱՇՁԲ-21/28» գնման ընթացակարգի 1-ին չափաբաժնի մասով բանակցություններ հրավիրելու որոշումներ:

Կից ներկայացվող փաստաթղթերի ցանկը.

- «ԴԱՎԱՐՏ» ՍՊ ընկերության վերաբերյալ ՀՀ ԱՆ իրավաբանական անձանց պետական ռեգիստրի կողմից տրված պետական միասնական գրանցամատյանի քաղվածքի պատճենը.
- «ԴԱՎԱՐՏ» ՍՊ ընկերության տնօրենի նույնականացման քարտի պատճենը.
- «ԴԱՎԱՐՏ» ՍՊ ընկերության կողմից տրված լիազորագիրը.
- Նույնականացման քարտիս պատճենը.
- փաստաբանական գործունեության արտոնագրիս պատճենը.
- թիվ «ԵՔ-ԲՄԱՇՁԲ-21/28» գնման ընթացակարգի գնահատող հանձնաժողովի 11.03.2021 թվականի թիվ 3 արձանագրության պատճենը.
- թիվ «ԵՔ-ԲՄԱՇՁԲ-21/28» գնման ընթացակարգի գնահատող հանձնաժողովի 16.03.2021 թվականի թիվ 4 արձանագրության չստորագրված պատճենը.
- թիվ «ԵՔ-ԲՄԱՇՁԲ-21/28» գնման ընթացակարգի շրջանակում «ԷՆԵՐԳԱՑԱՆՑՇԻՆ» ԲԲ ընկերության կողմից ներկայացված գնային առաջարկի պատճենը.
- թիվ «ԵՔ-ԲՄԱՇՁԲ-21/28» գնման ընթացակարգի շրջանակում «ԱՍԿԵՏ-16» ՍՊ ընկերության կողմից ներկայացված գնային առաջարկի պատճենը.
- պետական տուրքի անդորրագիրը:

18.03.2021թ.

Հարգանքով՝

«ԴԱՎԱՐՏ» ՍՊԸ ներկայացուցիչ
փաստաբան Հակոբ Քոչոյան

